

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Schatzbehälter der wahren Reichtümer des Heils

Fridolin, Stephan

[Nürnberg], 1491

Von dem haupt unsers herren

[urn:nbn:de:bsz:31-130913](https://nbn-resolving.org/urn:nbn:de:bsz:31-130913)

Von dē Haupt vnfers herren

lebendig gemacht. in der segē vñ krafft.
Das wasser zu wein. yn den. der wein zu
plut. in den. das brot zu fleisch ist wordē.
vnd zu solchem fleisch. das den mensch/
en. die dz wirdiglich niessen. in der töt/
ligkeit. das ewig leben gibt. die selbenn
hende sind als eins vbelters. gebundē
vnd gepeinigt. befestigt vñ mit dem last
des heiligen creutzs beschweret vnd ge/
lestert vnd zu dem letstenn aufgedenet.
gestreckt. durchlöchert vnd angenagelt
wordē. an dē mörder galgē des creutzs.
als ob sie nie zu guttem. sunder zu allem
vbel allweg aufgestreckt wern worden.
Sie allein geben. vnd nit nemen. allein gu/
tes. vnd nit vbelis künden thon.

¶ Von dem achtundneuntzigsten ge/
genwurff.

In dem nachuolgendē pünctlein
der gleichnus. oder eigenschafft.
des aller vber hohwirdigsten haupts cri/
sti. verstee den widerwertigenn artickel.
Dz ist die demütigung vnd neigung des
haupts cristi zu demütigen wercken. als
zu der füß waschung der iungern. vnd
auch seins verreters. vnd des gleichen.
vñ allermeist die tieffen. geistliche naiß/
ung. der betrachtung vnd bereinung.
vnd laidnemung vnser vnd aller mēsch/
en sünd. vñ darwider denn die erhebūg
an dem creutz zu beschemung vñ tödtūg
¶ Der erst artickel des achtundneuntz/
igiste gegenwurffs.

Das haubt. des. der das haubt ist.
aller weiten cristenheit. C zu den
von epheso. in dem ersten capitel. Der
hordt. aller hüpsche vñ schöheit. Der mit/
tel punctt aller weytflüssigē leiplichkeit.
Der vrsprung alles geistliche lebens. em/
pfung vnd bewegligkeit. Der grund
alles himlischen gepēues vnd vestigkeit.

Die wurtzel vnd der gipfel alles tugēt/
lichen gewechs vnd volkomenheit. Der
perknöpff aller lüstlichem geplūd. vñnd
fruchtbarkeit. Das firmament der mitt/
lung vñnd wanderberlichkeit. der auff/
enthaltung vñnd synnlichkeit. Die sum/
des ynnern liechtes. vnd der fürsichtig/
keit. Der haubtrunn der göttlichen er/
kentnis. vñnd der lere der warheit. Die
kron aller kōniglichen vnd keyserlichen
maiestat. Der firs alle himlische hohē.
vnd zierheit. Dz haubt alles werltliche
vnd geistlichem gewaltes vnd oberkeit.
Dz haubt aller englischen gewelt. kreft.
fürstumen vnd wirdigkeit. Ad ephesios
am ersten capitel. Ad colosenses am an/
dern capitel. Das haubt aller tugent. sel/
den vnd heiligkeit. yn dem die schetz al/
ler kunst vnd verporgner reichtümer der
heylsamkeit. Dz lebēdig büch aller weyß/
heit. das rechtbüch aller gleichē gesetz.
vnd der gerechtigkeit. das rechenbüch
alles außs gebens der göttlichen miltig/
keit. alles einnemēs mēschlicher vñndäck/
barkeit. das register od findbüch aller
vergangenheit. in dem alles das. das in
allen büchern ye geschribē stunde möcht
gefunden sein wordē. die gemein kronick
oder zeitbüch aller menschlichen hendel
vñ misserat. Ja alle geschicht. die ye ge/
schehē sind vō anbegynn der werlt. das
gemam büch aller künst. in dem alles dz.
das alle menschliche vernunft ye gefun/
den hat. on gegēgleichung. weytter. tief/
fer. höher. gewiser. clerlicher entscheidē
was. dann auch in den. die. dy kunst zum
ersten gefunden hettem. dasselb harobt
hat vō aufwendig sich durch die demü/
tigkeit. oder von demütigung vnd zucht/
wegen. genaigt. die augen nyder geschla/
gen. von aller vppigkeit abgewendt. sich